



REPUBLIKA E KOSOVËS - REPUBLIKA KOSOVA - REPUBLIC OF KOSOVO
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL
PANELI ZGJEDHOR PËR ANKESA DHE PARASHTRESA
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

ZL.Anr.267/2025

PANELI ZGJEDHOR PËR ANKESA DHE PARASHTRESA (PZAP), në panelin e përbërë nga gjyqtarët: Skender Çoçaj - kryesues, Kymete Kicaj dhe Arsim Hamzaj - anëtarë, duke vendosur përkitazi me ankesën e Rrezartë Ramadani, kandidate për anëtarë të kuvendit komunal në Komunën e Shtime, nga radhët e subjektit politik Lidhja Demokratike e Kosovës (LDK), të paraqitur kundër Komisionit Qendror të Zgjedhjeve (KQZ), për shkak të parregullsive në Qendrën e Numërimit të Rezultateve (QNR), në Zgjedhjet Lokale, të mbajtura më datë 12 Tetor 2025, në seancën e panelit të mbajtur më datë 22.10.2025, merr këtë:

V E N D I M

REFUZOHET E PABAZUAR ankesa ZL.Anr.267/2025, e datës 19.10.2025, e parashtruar nga Rrezartë Ramadani, kandidate për anëtarë të kuvendit komunal në Komunën e Shtime, nga radhët e subjektit politik Lidhja Demokratike e Kosovës (LDK), të paraqitur kundër Komisionit Qendror të Zgjedhjeve (KQZ), për shkak të parregullsive në Qendrën e Numërimit të Rezultateve (QNR), në Zgjedhjet Lokale, të mbajtura më datë 12 Tetor 2025.

A r s y e t i m

PZAP-i më datë 19.10.2025, ka pranuar ankesën ZL.Anr.267/2025, nga Rrezartë Ramadani, kandidate për anëtarë të kuvendit komunal në Komunën e Shtime, nga radhët e subjektit politik Lidhja Demokratike e Kosovës (LDK), për shkak të parregullsive në Qendrën e Numërimit të Rezultateve (QNR), në të cilën pretendohet se nga rezultati i KQZ-s figurojnë vetëm 6 vota me postë, mirëpo ka dëshmi që të paktën 14 vota më shumë i ka vota me postë nga diaspora. Ka kërkuar nga PZAP që të numërohen votat me postë nga diaspora.

Në ankesë ka bashkangjitur kopjen e dokumentit të saj identifikues.

Në përgjigje në ankesë të paraqitur me datë 20.10.2025, nga Komisioni Qendror i Zgjedhjeve (KQZ), kanë deklaruar se me datën 03.09.2025, KQZ ka miratuar Procedurën Standarde të Veprimit për Votimin Jashtë Kosovës dhe Vlerësimin e Pakove me Fletëvotime. Në faqen 14 të kësaj procedure shpjegohet mënyra e vlerësimit të pakove me fletëvotime, ndërsa pas përfundimit të procesit të verifikimit të zarfeve me fletëvotime, DSHV dorëzon në QNR listën e votuesve të cilët kanë votuar përmes postës dhe zarfet me fletëvotime të ndara në kuti sipas komunave të votuesve. Lidhur me vlerësimin e pakove me fletëvotime të personave të cilat pala ankuese ka paraqitur në ankesë, Divizioni për Shërbime të Votuesve i Sekretariatit të KQZ-së, sqaron se 7 prej tyre janë aprovuar, ndërsa 7 rastet e tjera nuk janë aprovuar për

arsyet si në vijim: në 3 raste mungon dëftesa e regjistrimit, në 3 raste nuk ka arritur zarfi me fletëvotim, dhe një rast personi nuk figuron si i regjistruar për votim jashtë Kosovës.

Tutje, në përgjigje theksohet se bazuar në nenin 17 të Rregullores Zgjedhore nr.17/2024 për Regjistrimin dhe Votimin jashtë Kosovës parashihet numërimi i fletëvotimeve të dërguara më postë, fletëvotimet që janë dërguar përmes postës dhe fletëvotimet që janë hedhur në kutitë e votimit nga procesi i votimit në përfaqësinë diplomatike, numërohen në QNR. Gjatë procesit të numërimit në QNR, numërimi i votave bëhet në transparencë të plotë, ku fletëvotimi prezantohet në ekran dhe shihet nga vëzhguesit e akredituar. Sa i përket pretendimeve të palës ankuese që mbështetet në deklaratimet e personave, duhet theksuar se në kuptim të nenit 4 paragrafi 1.3 të LPZ-së Nr.08/L-228, liria dhe fshehtësia e votës janë të garantuara. Publikimi i votës cenon këtë parim dhe shpërfaq vullnetin e qytetarëve.

Tutje, kanë theksuar se rezultatet përfundimtare të procesit zgjedhor, shpallen nga KQZ-ja pas përfundimit të numërimit të gjitha fletëvotimeve nga vendvotimet e rregullta; fletëvotimeve nga votimi me kusht; fletëvotimet nga votimi i personave me nevoja të veçanta; fletëvotimeve nga votimi jashtë Kosovës; vendosjes për ankesat eventuale nga PZP dhe Gjykata Supreme dhe pas përfundimit të të gjitha procedurave në QNR, ku rezultati i publikuar është i ankimueshëm nga subjekte politike dhe kandidatët të cilët kanë pretendime në raport me numërimin e votave të tyre. Pra, në momentin e publikimit të rezultateve përfundimtare nga KQZ-ja, palët e pakënaqura në pajtim me nenin 105 të LPZ, pala mund të ushtrojë ankesë në afatin brenda dyzet e tetë (48) orëve në PZAP. Në kuptim të nenit 117 paragrafi 3 të LJP, gjatë shqyrtimit të ankesës është vërejtur se pala ankuese nuk ka bashkëngjitur prova të mjaftueshme që do të mund të dëshmonin apo mbështesin pretendimet e saj të paraqitura në ankesë.

Paneli Zgjedhor për Ankesa dhe Parashpresa - PZAP, pas shqyrtimit të ankesës dhe shkresave të lëndës, pretendimeve ankimore, përgjigjes në ankesë gjeti se:

- Ankesa është e pabazuar.

Paneli pas shikimit të shkresave të lëndës dhe përgjigjeve në ankesë të paraqitur nga KQZ-ja, vlerësoj se pretendimet Rrezartë Ramadani, kandidate për anëtarë të kuvendit komunal në Komunën e Shtime, nga radhët e subjektit politik Lidhja Demokratike e Kosovës (LDK), janë të pa bazuara dhe si të tilla i refuzoj për faktin se nga përgjigja e KQZ, përkatësisht nga Divizioni për Shërbim të Votuesve, konstatohet se në rastin konkret lidhur me vlerësimin e pakove me fletëvotime të personave të cilat pala ankuese ka paraqitur në ankese, Divizioni për Shërbime të Votuesve i Sekretariatit të KQZ-së, sqaron se 7 prej tyre janë aprovuar, ndërsa 7 rastet e tjera nuk janë aprovuar për arsyet si në vijim: në 3 raste mungon dëftesa e regjistrimit, në 3 raste nuk ka arritur zarfi me fletëvotim, dhe një rast personi nuk figuron si i regjistruar për votim jashtë Kosovës. Pretendimet e palës ankuese, duke dërguar një listë me emra dhe mbiemra, se dëshmitarët mund të dëshmojnë për votën e tyre, nuk janë të mjaftueshme për të vërtetuar se ka ekzistuar shkelja e pretenduar.

Paneli i vlerësoj se janë të pa qëndrueshme dhe si të tilla i refuzoj, për faktin se parashtruesi i ankesës nuk ka mbështetur pretendimet e tij me prova, rrjedhimisht nuk ka ofruar dëshmi të qarta dhe bindëse lidhur me shkeljet e supozuara, edhe pse me kuptim të nenit 117 paragrafi 3 të LJP-së, barra e të provuarit bie mbi ankuesin dhe në rastin konkret, paneli, nuk mundi të konstatoj se ka pasur mospërputhje gjatë numërimit të votave me postë për Komunën e Shtimes.

Andaj duke u mbështetur në nenin 117.3 të LZP-së ku përcaktohet se: "Vendosja për ankesat nga PZAP-ja mbështetet në dëshmi të qarta dhe bindëse", Paneli vlerësoj se pretendimet e tilla janë të pa qëndrueshme dhe si të tilla i refuzoj, për faktin se nga veprimet e përshkruara në ankesa dhe nga provat e ofruara si dëshmi parashtresë i ankesave nuk ka arritur që të vërtetoj pretendimet e theksuara si më lartë.

Nga arsyet e theksuar më lartë duke bazuar nenin 117 par. 3, neni 118 par.1 të LZP-së, Paneli vendosi si në dispozitiv të këtij vendimi.

Paneli Zgjedhor për Ankesa dhe Parashtresa

ZL.Anr.267/2025 më datën 22.10.2025

Kryesues i Panelit
Skender Goçaj



Këshilla Juridike: Kundër këtij vendimi është e lejuar ankesa sipas nenit 118 paragrafi 4 të Ligjit Nr.08/L-228 për Zgjedhjet e Përgjithshme në Republikën e Kosovës, në Gjykatën Supreme të Kosovës, brenda dyzet e tetë (48) orëve nga momenti i marrjes-pranimimit të këtij vendimi.